

Na osnovu člana 9. Zakona o federalnim ministarstvima i drugim tijelima federalne uprave ("Službene novine Federacije BiH", br. 19/03, 38/05, 2/06 i 8/06) i odredaba Odluke Vlade Federacije Bosne i Hercegovine V. broj: 15/2015 od 12.01.2015. godine o izmjenama Odluke o davanju saglasnosti Federalnom ministarstvu energije, rudarstva i industrije za uspostavu trajnog revolving fonda kod Union banke d.d. Sarajevo za dugoročno finansiranje projekata putem dodjele kredita - Trajni revolving fond, Federalno ministarstvo energije, rudarstva i industrije o b j a v l j u j e

**JAVNI POZIV
ZA KANDIDOVANJE PROGRAMA UTROŠKA SREDSTAVA TRAJNOG
REVOLVING FONDA KOD UNION BANKE D.D. SARAJEVO FEDERALNOG
MINISTARSTVA ENERGIJE, RUDARSTVA I INDUSTRIJE ZA DUGOROČNO
FINANSIRANJE PROJEKATA PUTEM DODJELE KREDITA ZA 2014. GODINU**

I. PREDMET POZIVA

Predmet poziva je prikupljanje zahtjeva za odabir korisnika kreditnih sredstava, u skladu sa Odlukom o davanju saglasnosti Federalnom ministarstvu energije, rudarstva i industrije za uspostavu trajnog revolving fonda kod Union banke d.d. Sarajevo za dugoročno finansiranje projekata putem dodjele kredita-Trajni revolving fond i Programom utroška sredstava trajnog revolving fonda kod Union banke d.d. Sarajevo (u daljem tekstu: Banke) Federalnog ministarstva energije, rudarstva i industrije za dugoročno finansiranje projekata putem dodjele kredita za 2014. godinu (u daljem tekstu:Program)(„Službene novine Federacije BiH”, br. 27/14, 91/14 i 106/14).

II. PRAVO UČEŠĆA

Pravo učešća na Javnom pozivu imaju privredna društva sa sjedištem u Federaciji Bosne i Hercegovine čija je primarna djelatnost definisana djelatnostima proizvodnje u sljedećim sektorima industrijske proizvodnje:

- Metalna, elektro i automobilska industrija,
- Građevinska industrija,
- Drvna i papirna industrija,
- Proizvodnja tekstila, kože i obuće,
- Hemijska industrija i industrija gume i plastike i
- Namjenska industrija.

III. SVRHA POZAJMLJIVANJA SREDSTAVA

Svrha dodjele kreditnih sredstava je davanje podrške u realizaciji razvojnih projekata privrednih društava, poboljšanja konkurentnosti, poboljšanja tehnološke opremljenosti, uspostavljanje i očuvanje sistema kvaliteta, povećanje produktivnosti kao i povećanje zaposlenosti.

Pozajmljivanje sredstava vrši se za podsticanje razvoja i jačanje konkurentnosti ulaganjem u:

- značajna poboljšanja i modernizaciju već postojećih proizvoda, proizvodnih procesa ili usluga s većom dodatnom vrijednosti, širenje postojeće proizvodnje i izgradnju novih proizvodnih kapaciteta,
- projekat izgradnje proizvodnih objekata koji obuhvata projekat izgradnje novih, adaptaciju, dogradnju ili kupovinu proizvodnih hala, sa pripadajućom infrastrukturom i opremom ili bez nje,
- nabavku novih tehnologija (mašina, postrojenja i oprema za proizvodnju, mjerni i kontrolni uređaji),
- nabavku industrijskog znanja (know-how), posebnih znanja i vještina, informatičke opreme usmjerene ka proizvodnji i uvođenje validnog CE znaka,
- uvođenje sistema kvaliteta u skladu sa standardima (serijom ISO standarda, sistemom upravljanja zaštitom zdravlja i bezbjednošću na radu, potrebne licence za obavljanje proizvodne djelatnosti i drugo),
- značajnije aktivnosti na osnovu promjene sveukupnoga proizvodnog procesa i stanja postojeće poslovne djelatnosti društva (reinžinjeriing) i
- ulaganje u istraživanje novih proizvoda, istraživanje tržišta i marketinga.

IV. KRITERIJI ZA IZBOR KORISNIKA

Pozajmljivanje sredstava prema ovome Programu može biti odobreno ako su ispunjeni sljedeći kriteriji:

- da su privredna društva sa sjedištem u Federaciji Bosne i Hercegovine čija je primarna djelatnost definisana djelatnostima proizvodnje u sektorima navedenim u tački 2. javnog oglasa,
- da zapošljava najmanje 40 zaposlenika i
- da privredna društva u zadnje dvije godine nisu bila korisnici podsticaja od strane Ministarstva.

Korisnici ne mogu biti privredna društva:

- u stečaju i u postupku likvidacije,
- koja imaju nepodmiren dug prema federalnim i državnim institucijama, osim ako isti nije reprogramiran važećim dokumentom i ako ovim Programom nije drugačije definisano,
- kojima je zatražen povrat dosadašnjih podsticaja,
- koja ne ispunjavaju uslove za otvaranje transakcijskog računa kod Banke,
- koja bez prekida posluju kraće od 6 mjeseci i/ili ne posjeduju zvanične finansijske izvještaje,
- koja imaju iskazan gubitak iznad visine kapitala prema posljednjem zvaničnom bilansu stanja i
- koja prema CRK izvještaju Centralne Banke Bosne i Hercegovine imaju tekuće plasmane u finansijskim institucijama u kategoriji lošijoj od B (osim u slučaju da obezbijede dokaz o urednom izmirivanju obaveza).

V. SREDSTVA PREDVIĐENA ZA POZAJMLJIVANJE

Sredstva za provođenje Programa obezbijedena su na način kako je definisano u Odluci o davanju saglasnosti Federalnom ministarstvu energije, rudarstva i industrije za uspostavu trajnog revolving fonda kod Union banke d.d. Sarajevo za dugoročno

finansiranje projekata putem dodjele kredita - Trajni revolving fond, kao i rebalansom Budžeta za 2014. godinu („Službene novine Federacije BiH“, br.45/14 i 66/14).

Navedena sredstva su kreditnog karaktera, sa:

- odgodom plaćanja („grace“ periodom) do 12 mjeseci,
- godišnjom kamatnom stopom u visini 0,9% i
- naknadom za obradu kredita - jednokratno u visini 0,6%.

Dodijeljena sredstva korisnici vraćaju u minimalno 24 jednaka mjesečna anuiteta, a maksimalno u 60 anuiteta, što zavisi od visine dodijeljenih sredstava. Početak povrata kredita, dinamika vraćanja, kao i drugi bitni elementi kredita bit će definisani ugovorom. Dodijeljena sredstva isključivo će se isplaćivati na račune korisnika kredita kod Banke, čime će se omogućiti i kontrola utroška dodijeljenih sredstava Programa.

Sredstva za provođenje Programa odobravati će se u visini novčanih sredstava, na način kako je to dato u Tablici broj 1.

Tablica broj 1

Red ni broj	Visina dodijeljenih sredstava u KM	Odgoda plaćanja (grace period) u mjesecima do	Broj anuiteta vraćanja sredstava ¹	Kolateral ²
1.	20.000,00 – 75.000,00	12	24	Zalog na nekretnine i pokretne stvari
2.	75.001,00 – 150.000,00	12	25 - 36	
3.	150.001,00 – 225.000,00	12	37 - 48	
4.	225.001,00 – 300.000,00	12	49 - 60	

Vrijednost nekretnina koje se uzimaju kao kolateral mora biti minimalno 1,5:1 u odnosu na iznos kredita.

Vrijednost opreme koja se uzima kao kolateral mora biti minimalno 3:1 u odnosu na iznos kredita.

Ukoliko je namjena kredita nabavka pokretnih stvari, obavezno je da iste zalažu, kao dodatni kolateral, bez obzira na ostale vrste kolaterala.

Broj anuiteta vraćanja sredstava određivat će se proporcionalno dobijenim sredstvima, u skladu sa podacima iz Tablice broj 1.

Odlukom o davanju saglasnosti Ministarstvu za uspostavu trajnog revolving fonda kod Banke za dugoročno finansiranje projekata putem dodjele kredita – Trajni revolving fond obezbijedeno je inicijalnih sredstava u iznosu od 6.368.000,00 KM, koja su rebalansom Budžeta za 2014. godinu („Službene novine Federacije BiH“, br.45/14 i 66/14), uvećan za 2.756.748,00 KM, tako da ukupan iznos sredstava koji je obezbijedjen za 2014. godinu iznosi 9.124.748,00KM. Navedena sredstva su dijelom već raspoređena privrednim društvima koja su aplicirala za dodjelu istih tokom 2014. godine, a ostatak sredstava ili dio neraspoređenih sredstava, rasporediti će se u skladu sa Programom i ovim Javnim pozivom.

Sredstva su predviđena za provođenje tačke 6. iz Programa, odnosno podsticaja razvoja i jačanje konkurentnosti i modernizacije tehnološkog procesa.

VI.TRAJANJE PROGRAMA

¹ U broj anuiteta se ne uračunava grace period

² Pored mjenica, potreban je zalog na nekretnine i pokretne stvari

Program traje do stupanja na snagu Budžeta Federacije Bosne i Hercegovine za 2015.godinu.

VII. PROVOĐENJE PROGRAMA

Kod prijave na Javni poziv, potencijalni korisnici kreditnih sredstava trebaju dostaviti sljedeću dokumentaciju:

- Dokumentacija na obrascima Banke:
 - Zahtjev za kredit,
 - Karton deponovanih potpisa,
 - Popunjen upitnik o povezanim licima,
 - Saglasnost za pristup podacima iz centralnog registra kredita,
 - Izjava ovlaštenog lica o nepostojanju računa nad kojim je određena mjera zabrane raspolaganja novčanim sredstvima,
 - Pregled postojećih kreditnih obaveza sa informacijama o namjeni i obezbjeđenju i
 - Poslovni plan koji uključuje i plan investiranja sa efektima utroška sredstava.
- Dokumentacija potencijalnih Korisnika kredita:
 - Rješenje o registraciji,
 - Aktuelni izvod iz u sudskog registra (ne stariji od 30 dana),
 - Statut i odluka/akt o osnivanju,
 - Uvjerenje o poreznoj registraciji kod Porezne uprave – ID broj,
 - Uvjerenje o registraciji obveznika poreza na dodatnu vrijednost – PDV broj,
 - Obavještenje nadležnog zavoda za statistiku o razvrstavanju prema djelatnosti,
 - Uvjerenja nadležne organizacione jedinice Porezne uprave/UINO da nema neizmirenih obaveza po osnovu javnih prihoda(ne starije od 30 dana),
 - Identifikacioni dokument osnivača,
 - Lične karte i CIPS potvrde o prebivalištu lica ovlaštenih za zastupanje,
 - Zvanični finansijski izvještaji za posljednje tri godine (ukoliko je privredno društvo osnovano u periodu koji je kraći od tri godine, dostaviti finansijske izvještaje za cjelokupni period poslovanja),
 - Analitički bruto bilans na posljednji dan prethodnog mjeseca u odnosu na dan podnošenja zahtjeva za kredit,
 - Pregled potraživanja od kupaca na posljednji dan prethodnog mjeseca u odnosu na dan podnošenja zahtjeva za kredit,
 - Pregled obaveza prema dobavljačima na posljednji dan prethodnog mjeseca u odnosu na dan podnošenja zahtjeva za kredit,
 - Dokumentacija u vezi sa imovinom koja se nudi kao obezbjeđenje kredita: procjena sudskog vještaka (ne starija od šest mjeseci) i ZK izvod/izvod iz registra zaloga (ne stariji od 30 dana),
 - Spisak zaposlenika iz matične evidencije aktivnih osiguranika, izdat od strane nadležne službe ne stariji od 30 dana od dana podnošenja zahtjeva (min. 40 zaposlenika),
 - Izjava ovlaštenog lica da privredno društvo u zadnje dvije godine nije bilo korisnik podsticaja od strane Federalnog ministarstva energije, rudarstva i industrije i

- Ostala dokumentacija u skladu sa zahtjevima Banke i/ili Ministarstva, kao i dokumenti za koje klijent smatra da su interesantni za Banku.

Obrasci Banke za popunjavanje mogu se preuzeti direktno u Banci ili na internet stranici Union banke d.d. Sarajevo (www.unionbank.ba).

Svi traženi dokumenti trebaju biti originali ili ovjerene kopije ne starije od 30 dana od dana podnošenja zahtjeva.

Privrednom društvu po raspisanom Javnom pozivu, mogu se odobriti sredstva biti krediti samo po jednoj aplikaciji.

VIII. KANDIDOVANJE PROGRAMA

Pismeni zahtjev za kredit sa potrebnom dokumentacijom po Javnom pozivu, uvezan i poredan po tačkama Javnog poziva, podnosi se Ministarstvu na memorandumu društva, potpisan od strane ovlaštenog lica, sa preciznom namjenom sredstava kredita, iznosom i rokovima otplate kredita, te sa naznakom iz kojeg se industrijskog sektora traže sredstva (Metalna, elektro i automobilska industrija; Građevinska industrija; Drvna i papirna industrija; Proizvodnja tekstila, kože i obuće; Hemijska industrija i industrije gume i plastike ili Namjenska industrija).

Zahtjevi za kreditna sredstva veći od maksimalnog predviđenog iznosa iz Tablice br.1 po Javnom pozivu, smatrati će se formalno neispravnim i neće se uzeti u razmatranje.

Namjena utroška kreditnih sredstava, kao i ponuđeni kolateral za obezbjeđenje kredita, ne može se mijenjati u toku postupka obrade kreditnog zahtjeva od strane Ministarstva i Banke.

IX. PRIPREMA

Podnosilac zahtjeva snosi sve troškove u vezi pripreme i kandidovanja programa.

Zahtjevi za dodjelu kredita sa odgovarajućim priložima i dokumentacijom iz poglavlja VII., dostavljaju se preporučeno poštom ili lično u zapečaćenoj, neprovidnoj koverti na adresu: Federalno ministarstvo energije, rudarstva i industrije Mostar, Alekse Šantića b.b. 88 000 Mostar s naznakom: Ne otvarati – po Javnom pozivu za kandidovanje programa utroška sredstava trajnog revolving fonda kod Union banke d.d. Sarajevo Federalnog ministarstva energije, rudarstva i industrije za dugoročno finansiranje projekata putem dodjele kredita za 2014. godinu.

Na poleđini koverta obavezno navesti naziv podnosioca zahtjeva, adresu i kontakt telefon i ovjeriti pečatom.

Podnosilac zahtjeva može izmijeniti ili povući svoj zahtjev prije isteka roka za dostavljanje zahtjeva, a Federalno ministarstvo energije, rudarstva i industrije mora o tome biti obaviješteno u pisanoj formi prije isteka roka za podnošenje zahtjeva. Izmjena ili povlačenje ponude moraju biti izvršene u skladu sa ovim poglavljem. Osim toga, na koverti u kojoj se nalazi obavještenje o izmjeni ili povlačenju zahtjeva ponuđača treba pisati „IZMJENA ZAHTJEVA“ ili „POVLAČENJE ZAHTJEVA“.

Povrat dokumentacije se vrši isključivo na pismeni zahtjev podnosioca.

Odluke i Rješenja o dodijeljenim sredstvima privrednim društvima po Javnom pozivu objavljuju se u „Službenim novinama Federacije BiH“ i na internet stranici Ministarstva.

Ovaj oglas ostaje otvoren do utroška sredstava, a najkasnije do stupanja na snagu Budžeta Federacije Bosne i Hercegovine za 2015. godinu i objavit će se u „Službenim novinama Federacije BiH“ i dnevnim novinama „Oslobođenje“ i „Dnevni list“.

Nepotpune i neblagovremene prijave neće biti uzete u razmatranje.

Detaljnije podatke i informacije, vezano za Program utroška sredstava trajnog revolving fonda kod Union banke d.d. Sarajevo Federalnog ministarstva energije, rudarstva i industrije za dugoročno finansiranje projekata putem dodjele kredita za 2014. godinu mogu se vidjeti na službenoj internet stranici Federalnog ministarstva energije, rudarstva i industrije: www.fmeri.gov.ba.